

摘藻堂四庫全書薈要

集部

欽定四庫全書薈要

集部

劔南詩豪卷十七

詳校官助教臣謝登雋



欽定四庫全書薈要卷一萬五千五百七

集部

劔南詩彙卷十七

宋 陸游 撰

初冬雜題

賦業文章意已闌  
算年不足是看山  
江南寺寺樓堪倚

安得身如杜牧閒

又

莫嫌風雨作新寒  
一樹青楓已半丹  
身在范寬圖畫裏

小樓西角剗憑闌

又

風橫雲低雨腳斜  
一枝柔艣莫咿啞  
昏昏醉卧知何處  
推起船篷忽到家

又

五斗安能解醉醒  
曹騰睡眼怯窗明  
策勛賴有春芽在  
臥聽山童轉磴聲

又

荒郊寒雨晚淒淒  
四壁穿頽旋補泥  
物我元須各安穩  
自苦牛屋織雞棲

又

風雨聲豪入夢中  
不知身世寄孤蓬  
狐裘羶帽如龍馬  
天漢西南小益東

閉戶

屏居無一事閉戶常  
經旬勿云艸舍陋  
愛此油窗新三日  
不作詩幽禽語撩  
人尺素雜行草往  
檝江梅春

十月四日夜記夢

四客聯轡來我醉久不知倒衣出迎客媿謝前致辭客  
意極踈豁大笑軒鬚看禮豈為我設度外以相期袞袞  
吐雄辯泠泠誦新詩共言攜酒壺埽地臨前墀意氣相  
顧喜忽如少年時老雞不解事喚覺空嗟咨涉世四十  
年賢雋常追隨爾來風俗壞動脚墮險巖森然義府刀  
誰為叔度陂起作四客篇捕影吾其癡

西路口山店

日薄霜清十月天馬蹄聲裏送流年店當古路三叉處  
山似孤雲兩角邊孤雲兩角在漢中淹泊自悲窮不醒衰殘更  
覺病相纏榆關瀚海知何在目送飛鴻入暮煙

題海首座俠客像

趙魏沙塵千丈黃遺民膏血飽豺狼功名不遣斯人了  
無奈和親白面郎

送綽姪住菴吳興山中

一盃淡粥不烹蔬綽居山粥飯外菜亦不食自占雲根結草廬非佛

非心猶坐斷定知不看夾山書

又

湖海相從十日留頗哀老子鬚驚秋日光猶射車牛背  
不用殷勤舉話頭

冬夜與溥菴生說川食戲作

唐安薏米白如玉漢嘉枳脯美勝肉大巢初生蚕正浴  
小巢漸老麥米熟龍鶴作羹香出釜木魚淪菹子盈腹  
未論索麩與饋飯最愛紅糟并炆粥東來坐閱七寒暑



未嘗舉箸忘吾蜀何時一飽與子同更煎土茗浮甘菊  
仗錫平老自成都回見訪索怡雲堂詩

東華軟塵飛撲帽黃金絡馬人看好渠儂胸中誰得知  
畏禍憂讒鬢先老舉世輸與平元衡青山白雲過一生  
出門曳杖便千里白雲不約常同行敲門剝啄雲沒履  
劇談未竟還東去到山分我一片雲併遣春風吹好句

野飲

青山千載老英雄濁酒三盃失阮窮訪古頽垣荒塹裏

覓交屠狗賣漿中  
平堤漸放春蕪綠  
細浪遙翻夕照紅  
已把殘年付天地  
騎牛吹笛伴村童

樊江觀梅

莫笑山翁老據鞍  
探梅今夕到江干  
半灘流水浸殘月  
一夜清霜催曉寒  
倚醉更教重秉燭  
怕寒元自怯憑欄

誰知攜客芳華日  
曾費纏頭錦百端

成都合江園芳華樓下梅最盛

山亭觀梅

與梅歲歲有幽期  
忘却如今兩鬢絲  
棄淡月時和雪看

斲蒼苔地帶花移先春瘦損應多恨靜夜香來更一奇  
醉倒欄邊君勿笑明朝紅萼綴空枝

射的山觀梅

射的山前雨墊巾籬邊初見一枝新照谿盡洗驕春意  
倚竹真成絕代人餐玉元知非火食化衣應笑走京塵  
即今畫史無名手試把清詩當寫真

又

凌厲冰霜節愈堅人間乃有此癯仙坐收國士無雙價

獨立東皇太一前  
此去幽尋應盡日  
向來別恨動經年  
花中竟是誰流輩  
欲許芳蘭恐未然

別梅

竹籬數掩傷魚磯  
萬點梅花掠地飛  
正喜巡簷來索笑  
已悲臨水送將歸  
影橫月處愁空絕  
子滿枝時事更非  
自古情鍾在吾輩  
尊前莫怪淚沾衣

憶梅

護惜常愁滿樹開  
況無一片在蒼苔  
眼高嬾為凡花醉

腸斷驚聞算角哀  
寫向素綃時拂拭  
移來幽圃自我培  
論心竟是明年事  
輸與醪醕在酒盃

新晴午枕初起信筆

閉戶日陶然  
晴窗春已妍  
華胥夢中國  
龍漢劫初年  
浩浩塵揚海  
茫茫杵倚天  
何妨駕孤鶴  
小憩華山前

乙巳早春

故故啼鶯傷曲廊  
飛飛戲蝶度橫塘  
病來對酒心雖怯  
老去逢花眼尚狂  
牀擁琴書供枕藉  
簾通風月索平章

一丘一壑從來事起就功名未苦忙

小雨

細細溼春光霏霏破夕陽臥聞驚倦枕起看入虛堂映  
葉鶯猶囀爭泥燕正忙閒愁無遣處誰與共飛觴

南轅遇大風雨

歎息誰如造物雄故將意氣壓衰翁千群鐵馬雲屯野  
百尺金蛇電掣空身羨漁蓑鳴急雨心憐鴉陣困狂風  
世間變態誰能測歸路斜陽十里紅

春晚至山中因訪陳道人

一春衰病集殘骸太息流塵覆酒杯僧鉢始知萼菜老  
佛瓶初見杏花開蘋溪小雨成幽討松院斜陽又獨來  
不為愛閒從野叟年來萬事學低摧

小隱

小隱在江干茆廬亦易安庖厨供白小籬落蔓黃團  
踏蹬馮唐老飄零范叔寒世情從迫隘醉眼覺天寬

春興

萬事不關身，倏然一幅巾。雖非愛酒伴，猶是別花人。杜詩

走覓南隣愛酒伴，白樂天紫  
薇花詩不別花人不與看  
領畧琴書意，掃空車馬塵。

東阡與南陌，隨處夢殘春。

曾仲躬見過適遇予出留小詩而去次韻二絕

地僻元無俗客來，蓬門只欲為君開。山橫翠黛供詩本

麥卷黃雲足酒材

又

數樹山花草，舍東想公繫馬落殘紅。那知老子耶溪上



正泛朝南算北風

睡起

風約飛花滿曲廊  
蕭然無客共焚香  
瓮醅力重初投枕  
鼻鼾聲豪已撼牀  
栩栩夢遊心自適  
昏昏起坐日方長  
靜憑一几吾何恨  
笑殺穿簾燕子忙

病起

山村病起帽圍寬  
春盡江南尚薄寒  
志士淒涼閒處老  
名花零落雨中看  
斷香漠漠便支枕  
芳艸離離悔倚闌

收拾吟牋傍酒椀  
年來觸事動憂端

山居戲題

海上縹緲斲雲局  
掃地焚香悅性靈  
嫩白半甌嘗日鑄  
硬黃一卷學蘭亭  
衰顏冉冉臨清鏡  
華髮蕭蕭倚素屏  
尊酒不空身見在  
莫爭天上少微星

又

病起清羸不自持  
年光都上鬢邊絲  
昏昏雨細梅黃後  
漫漫秧青水滿時  
曲几方牀娛永日  
矮冠高屐駭羣兒

客來莫笑狂顛甚此處那容世俗知

芒種後經旬無日不雨偶得長句

芒種初過雨及時紗厨睡起角巾欹癡雲不散常遮塢  
野水無聲自入池綠樹晚涼鳩語鬧画梁晝寂燕歸遲  
閒身自喜渾無事衣覆熏籠獨誦詩

久雨喜晴十韻

一雨二十日頽牆屋茆爛扶杖出門行四顧水瀰漫村  
迥鳩爭巢村昏雞失旦荒庭蛙龜豪空廡螢火亂蠹魚

敗書編萍草黏戶半清風忽東來一剪雨脚斷天青日  
杲杲河白星燦燦車轍尋舊途船步出新岸稍喜泥潦  
乾破竈得炊爨賤貧固多憂長歌寄吾歎

盆池

人生何處不兒嬉一世元知孰是非汲井埋盆鑿苔破  
敲針作釣得魚歸蕭蕭菰葉風聲細娟娟蘋花雨點稀  
竝舍老翁能喜事為添拳石象苔磯

盆池初成隣人吳氏老送小石置池

上

月中過蜻蜓浦

天光水色合為一舟出西城猶落日一規忽見寒壁升  
萬頃坐歎溶銀溢哀哀姑惡訴何苦熠熠螢火光自失  
葦低時見小艇過水響遙知大魚出銅壺玉酒我徑醉  
短髮垂肩蓬不櫛緩篙遡月勿遽行坐待湘妃鼓瑤瑟  
六峰項里看采楊梅連日留山中

綠陰翳翳連山市丹實纍纍照路隅未愛滿盤堆火齊  
先驚探頷得驪珠斜簪寶髻看遊舫細織筠籠入上都

醉裏自矜豪氣在欲棄風露摘千株

雨中自項里夜至新塘捨舟步歸

樺炬如椽點不明還家潦水與階平一盃濁酒頽然睡  
恍似金牛夜下程

又

天如黑漆泥沒踝老健猶能蹠蹠歸裊裊爐香支枕看  
終年只合掩柴扉

夜聽竹間雨聲

解醒不用酒聽雨神自清治疾不用藥聽雨體自輕我  
居萬竹間蕭瑟送此聲  
焚香倚蒲團袖手坐三更  
人苦不自覺忿慾投隙生  
起軟簷間雨更與此君盟

泛三江海浦

鼇負三山碧海秋  
龍驤萬斛放翁遊  
少舒我輩胸中氣  
一掃羣兒分外愁  
醉斬長鯨倚天劍  
笑凌駭浪濟川舟  
悠然高詠平生事  
齷齪寧能老故丘

獨酌有懷南鄭

憶從蟠冢涉南沮  
笳鼓聲酣醉膽麤  
投筆書生古來有  
從軍樂事世間無  
秋風逐虎花叱撥  
夜雪射熊金僕姑  
白首功名元未晚  
笑人四十歎頭顱

秋日泛鏡中憩千秋觀

病起重來理釣絲  
扁舟迨及素秋時  
舊交猶有青山在  
幽趣唯應白鳥知  
冉冉年光行老矣  
茫茫世路欲何之  
秦皇酒榼苔封遍  
虛負霜螯左手持

湖山之間有石  
號秦皇酒瓮

秋夕虹橋舟中偶賦



解纜初離小市門，放篙衝破一谿雲。  
露螢合散自成陣，水鳥飛鳴如覓羣。  
楓落荷疎秋漸老，河傾斗轉夜將分。  
書生老負功名志，醉裏長歌強一欣。

秋思

一徑苔侵四壁空，北窗支枕聽秋鐘。  
故人去後登樓怯，白髮多來覽鏡慵。  
狂憶射麋窮楚澤，閒思釣雪泛吳松。  
相如病渴年來劇，釀酒傾家畏不供。

自嘲

窮途久矣歎吾衰  
雙鬢新添幾縷絲  
身是在家狂道士  
心如退院病禪師  
極知勾漏求丹藥  
不及衡陽賣漉籬  
習氣若為除未盡  
小軒風月又成詩

豐年行

秋風蕭蕭秋日薄  
築場穫稻方竭作  
志士雖懷歲晚悲  
農家自足豐年樂  
撥醅白酒喚隣曲  
咏黍黃雞初束縛  
長魚出網健欲飛  
新兔臥盤肥可臠  
躬耕辛苦四十年  
一飽豈非天所酢  
書生識字亦聊爾  
莫作揚雄老投閣

秋夜泊舟亭山下

逢水逢山到處留，可憐身世寄孤舟。  
一汀蘋露漁村晚，十里荷花野店秋。  
羽檄未聞傳塞外，金椎先報擊衙頭。  
聞金主行帳為壯士所攻，幾不免北語，謂主所在為衙頭。  
煌煌太白高千丈，那得名取次休。

初秋山中作

萬里西風吹幅巾，即今真箇是閒人。  
堆盤菱熟燕脂角，藉藻鱸新淡墨鱗。  
姥嶺蹇驢尋雪徑，娥江孤艇繫煙津。

飄然樂事真當勉遠付十年無此身

秋夜讀書有感

久病畏長夏枕簟如炮焚扶持賴藥物俛仰秋已分清  
夜炷爐香裊裊起孤雲靈府豁蒙滯舊學資鉏耜言念  
總角初操觚極艱勤諸老頗賞識謂可與斯文沉痾幸  
鍼石輪困勞斧斤可憐四十年薄陋負所聞白首猶著  
書逝將獻吾君大官薦玉食野人徒美芹

晚涼登山亭

庭空葉飛秋村迥鳩喚雨新涼入巾褐老子顛欲舞憑  
高望稽山秀色溢天宇一鏡三百里水落分別浦淒涼  
吊禹穴秦漢未為古世俗誰與歸吾其老農圃

夜步

市人莫笑雪蒙頭北陌南阡信脚遊風遞鐘聲雲外寺  
水搖燈影酒家樓鶴歸遼海逾千歲楓落吳江又一秋  
却掩船扉耿無寐半窗落月照清愁

感秋

秋堂露氣清蕭爽入毛骨葛裊耿無寐坐待山月沒溼  
螢飛不起熠熠依衰草勁風西北號落葉紛可埽老生  
惜歲月烈士志功名登臨送將去非復兒女情懸知青  
海邊殺氣橫千里良時不可失彼行速如鬼時聞彼主  
自香草浣  
入秋山蓋  
遠遁矣

病中作

一病二十日直愁難自還殘書不成讀長夜只供閒風  
舞迎霜葉雲昏欲雨山臨窗忽自笑詩思又相關

送猷講主赴李明府姜山之招

貫花籤帙壓車轅  
惟子窮探到本源  
聽法鬼神環麈尾  
質疑英俊集龍門  
孤舟此日輕為別  
尺素何時遠見存  
坐想文殊對摩詰  
高談無礙九河翻

雨中排悶

點點滴滴雨不晴  
暗暗淡淡燈不明  
皇天胡為貸此老  
病臥垂困今已平  
却慙向者力量淺  
鼠肝蟲臂猶關情  
百年終歸朝露速  
一死正自秋毫輕  
明朝且作山中行

青鞵已覺白雲生  
豐年處處村酒好  
莫教湘湖蓴菜老

湘湖在蕭山  
縣蓴菜絕奇

秋夜歌

書生白首無處著  
病卧空齋夜蕭索  
茶鐺颼颼候湯熟  
燈檠蔌蔌看燼落  
山童喚起已復倒  
顧影自笑如孤鶴  
人言富貴墮駭機  
一生窮愁正不惡  
架上故裘破見肘  
牀頭殘酒傾到脚  
問君何以麈霜風  
悠然卧聽山城角  
病起鏡中見白髮  
此去七十無十寒  
暑矣偶得長



句

短鬢蕭條失故青  
人間真似宿郵亭  
正令寬作十年夢  
安用更留三日醒  
覆瓿書成空自苦  
擊轆歌罷遣誰聽  
客來若覓衰翁處  
睡起悠然倚素屏

初寒宴坐

微火如螢度篆盤  
明窗坐敗幾蒲團  
羣兒誰信老懷嬾  
萬事不禁醒眼看  
道在簞瓢端自足  
心閒天地本來寬  
此生自斷君知否  
不辦歸裝也掛冠

溪行

霜落水初澄，星繁月未升。  
近村聞夜犬，隔浦見秋燈。  
多病乃如許，微寒已不勝。  
平生隣曲意，移棹避漁翁。

又

疎鐘度莽蒼，遠火耿微茫。  
歲暮水歸壑，夜寒天賣霜。  
人生一蟲臂，世路幾羊腸。  
老大忘繩檢，狂歌盡意長。

讀書

遠遯江湖上，端居風雨中。  
紙新窗正白，爐煖火通紅。  
籬

衰方重整聲形且細窮扶衰倘未死更破十年功

自嘲用前韻

殘年過六十寂寞臥山中病眼驚新暗衰顏失舊紅  
人譏作詩瘦自憫著書窮輸與封侯骨雲臺競策功

病中久廢遊覽悵然有感

裘馬清狂徧兩川十年身是地行仙歸來訪舊半為鬼  
已矣此生休問天不恨盃觴無藉在但悲山水曠周旋  
垂虹風月休如昨安得青錢買釣船

新釀熟小飲

玉船潏潏酌鵝黃  
菊欲殘時抵死香  
似與幽人為醉地  
清笳聲裏一天霜

又

籬菊猶堪采落英  
一尊玉溜釀初成  
今宵要向中庭飲  
不展華茵展月明

題徐淵子環碧亭亭有茶山曾先生詩

茶山丈人厭囂譁  
幅巾每訪博士家  
小亭談笑不知暮

往往城上聞吹笳興來傑作粲珠璧歲久妙墨亡龍蛇  
郎君弟子多白髮回頭日月如奔車徐卿赤城古仙子  
十年四海推才華覽觀陳迹喜不寐旋補罅漏支傾斜  
曲池還浸古來月鼓莽忽見當時花重題舊句照高棟  
力振風雅排淫哇席間紵袍已散鵠堂上講鼓初停搗  
速宜力置竹葉酒不用更淪桃花茶

桃花茶見  
曾公詩

### 雜興

鰻井初生一縷雲鮑郎山下雨昏昏艣聲嘔軋秋空曉

水際人家尚閉門

又

孤夢初回揭短篷  
橋邊曉日已瞳矇  
太平氣象君知否  
盡在豐年笑語中

又

古寺高樓算倚闌  
野雲不散白漫漫  
好山遮盡君無恨  
且作滄溟萬里看

大雪

大雪江南見未曾今年方始是嚴凝  
巧穿簾罅如相覓  
重壓林梢欲不勝  
攴幄擲盧忘夜睡  
金鞵立馬怯晨興  
此生自笑功名晚  
空想黃河徹底冰

遣興

書生不自憐老眼付皇天  
已飽三升稷寧堆百屋錢  
紅塵忙過日青嶂醉論年  
名字元虛幻從人謫是仙

委轡

委轡去悠悠山窮得渡頭  
白雲生碧巘翠木擁朱樓  
野

榼淵明酒征塵季子裘自憐詩興在杜若滿芳洲

雪中作

竹折松僵鳥雀愁閉門我亦擁貂裘已忘作賦遊梁苑  
但憶銜枚入蔡州屬國餐羶真強項翰林煮茗自風流  
明朝日暖君須記更看青鴛玉半溝

夢筆驛

朱扉水際亭白堦道邊寺扁舟幾往返每過輒歔歛經  
秋病不死歲暮復不至少年自喧譁此老獨顛顛可憐



釣鰲客終返屠羊肆吾身行亦無榮辱安所寄短燈照  
孤愁寒衾推殘醉明當臨大江一灑壯士淚

舟中感懷三絕句呈太傅相公兼簡岳大用郎中  
浪中鞚鞞雨聲寒孤夢初回燭半殘甲子一周讐未復  
關山還帶淚痕看

又

雨打孤篷酒漸消昏燈我與共無聊功名本是無憑事  
不及寒江日兩潮

又

夢筆亭邊擁鼻吟，壯圖蹭蹬老侵尋。  
不眠數盡雞三唱，自笑當年起舞心。

西興泊舟

衰髮不勝白寸心，殊未降避風留水。  
市岸幘倚船窗日，上金谿海潮來雪捲江。  
登臨數竒觀未易，敵吾邦。

錢清夜渡

輕舟夜絕江天濶，星磊磊地勢下東南。  
壯哉水所匯，月

出半天赤轉眄離巨海清暉流玉宇艸木盡光彩男子  
志功名徒死不容悔坐思黃河上橫戈被重鎧晚途雖  
益困此志顧常在一日天勝人么麼安足醢

夜歸

晡時捩柂離西興錢清夜渡見月升浮橋沽酒市嘈囂  
江口過埭牛凌兢寒壑煮麩坐茆店小鮮供饌尋魚罾  
偶逢估客問姓字歡笑便足為交朋須臾一飽各散去  
帆席健快如超騰雲間戍樓鼓坎坎山尾佛塢燈層層

夜分到家趨篝火  
穉子驚起頭鬢髻  
道途辛苦未暇說  
一尊且復驅嚴凝

江北莊取米到作飯香甚有感

我昔從軍清渭側  
散關嵯峨下臨賊  
鐵衣上馬蹴堅冰  
有時三日不火食  
山蕎畬粟雜沙礫  
黑黍黃蘗如土色  
飛霜掠面寒壓指  
一寸赤心惟報國  
即今歸臥稽山下  
眼昏臂弱衰境逼  
新秔炊飯香出甑  
風飡澗飲何曾識  
我豈農家志飽煖  
閉戶惟思事耕織  
征遼詔下倘可期

看鼻猶堪試殘墨

感興

築室真須待伯夷  
起墳仍合近要離  
藥來賊境靈何用  
米出蕃倉死不炊  
下石紛紛驚俗薄  
絕絃寂寂嘆吾衰  
一尊且作尋春計  
又見東風浩蕩時

新春

濛濛煙雨暗江干  
新歲還勝故歲寒  
酒壓濁清鳴社瓮  
菜分紅綠簇春盤  
良辰節物元如昨  
病客情懷自鮮歡

却羨村鄰機上女  
隔離相喚祭蚕官

新年

寄迹人間夢已長  
新年脫帽始微霜  
坐中使氣如秦俠  
陌上行歌類楚狂  
埽榻欲招貧與語  
杜門聊以醉為鄉  
稽山剡曲雖堪樂  
終憶初連古戰場

遊鏡湖

禹祠柳未黃  
剡曲水已白  
魴鱖來洋洋  
鳧雁去拍拍  
皇天亦大度  
能容此狂客  
挂席乘長風  
未覺湖海迤  
讀書

五十年自笑安所獲昔人精微意豈獨在簡冊驥空萬  
馬羣裘非一狐腋超然登玉筍及此煙月夕

玉筍峯在  
會稽山南

初春晚晴

雪盡冰消斂積威參差碧瓦帶斜暉土膏漸釋人東作  
天氣初和雁北歸小閣金船嘗臘酒華堂銀燭製春衣  
關心雖有尋梅夢冷蕊幽香事已非

自占歲多風雪  
屢廢觀梅之集

偶讀山谷老境五十六翁之句作六十二翁吟

三百里湖水接天六十二翁身刺船飯足便休慵念祿

丹成不服怕登仙胸中浩浩了無物世上紛紛徒可憐  
但有青錢沽白酒猶堪醉倒落梅前

自開歲畧無三日晴戲作長句

新年暗瞠覺春慳變化相棄一瞬間雨脚稍收初見日  
風花忽起又遮山

風欲作則大霧充塞謂之風花

欲行幽圃還成阻未

脫重裘自笑孱桃李會開君勿恨清尊且用破衰顏

置酒梅花下作短歌

歲月不貸人綠髮成華顛此生幾兩屐念之每悽然我



本塵外客已絕區中緣  
惟當及未死勤醉梅花前  
瘦影寫微月疎枝橫夕煙  
偃蹇巖壑間欲與松忘年  
豈亦薄世俗忽逐天風翩  
吾詩不徒歌持配湘娥弦

梅花已過聞東村一樹盛  
開特往尋之慨然有感  
春晚城南十里陂亭亭獨立見  
竒姿品流不落松竹後  
懷抱惟應風月知旋拂亂雲成  
小佇重攜芳榼卜幽期  
佳人空谷從來事莫恨桃花笑背時

思蜀

老子饒堪笑珍盤憶少城流匙抄薏飯加糝啜巢羹柑  
美傾筠籠茶香出土鐺西郊有舊隱何日返柴荆

書憤

早歲那知世事難中原北望氣如山樓船夜雪瓜洲渡  
鐵馬秋風大散關塞上長城空自許鏡中衰鬢已先斑  
出師一表真名世千載誰堪伯仲間

南窗擘黃柑獨酌有感

放翁潦倒鬢如絲也把花前酒一卮何限人間堪恨事

黃柑丹荔不同時

久雨驟晴山園桃李爛漫獨海棠未甚開戲作  
雨霽風和日漸長小園尊酒當年光直令桃李能言語  
何似多情睡海棠

臨安春雨初霽

世味年來薄似紗誰令騎馬客京華小樓一夜聽春雨  
深巷明朝賣杏花矮紙斜行閒作草晴窗細乳戲分茶  
素衣莫起風塵嘆猶及清明可到家

延和殿退朝口號

雨餘未肯放朝暎，穿仗恭承聖主恩。  
清蹕傳聲徐御殿，

立庭中頌之。秦姓名紫衣引拜許龍門，徘徊漫結堯階

上乃自東廂出御座

戀零落難招楚澤魂，歸去猶堪誇里巷。  
桐江新賜兩朱

轡

又

十年短檝樂滄波，強著朝衫棄釣蓑。  
才薄何堪試馮翊，恩深猶許對延和。  
空牆煙柳遙迎馬，輦路春泥欲濺鞞。

莫恨此身衰病去同時朝士久無多

簡楊庭秀

袞袞過白日悠悠良自欺未成千古事易滿百年期  
黃卷閒多味紅塵老不宜相逢又輕別此恨定誰知

飲張公父園戲題扇上

寒食清明數日中西園春事又匆匆梅花自避新桃李  
不為高樓一笛風

夜泛西湖示桑甥世昌

嗟我客上都忽已見暮春騎馬出閤門眯眼吹紅塵西  
湖為賈區山僧多市人誰令污泉石只合加冠巾黃冠  
更可憎狀與屠沽鄰勦酒肉氣吾輩何由親少須一  
闕散境寂鷗自馴舉手邀素月移舟采青蘋鍾從南山  
來殷殷浮煙津鶴髮隱者歟長樂收釣緜畏冷不竟夕  
恨此老病身明發復擾擾吾詩其絕麟

小舟過御園

聖主憂民罷露臺春風別苑晝常開盡除曼衍魚龍戲

不禁芻蕘雉兔來水鳥避人橫翠靄宮花經雨委蒼苔  
殘年自喜身強健又作清都夢一回

又

水殿西頭起砌臺綠楊鬧處杏花開簫韶本與人同樂  
羽衛纔聞歲一來鷓首波生涵藻荇金鋪雨後上莓苔  
遠臣侍宴應無日目斷堯雲到晚回

自真珠園泛舟至孤山

呼船徑截鴨頭波岸幘閒登瑪瑙坡弦管未嫌鷺鷥起

塵埃無柰污花何  
宦情不到漁簑底  
詩興偏於野寺多  
明日一藤龍井去  
誰知伴我醉行歌

真珠園雨中作

清晨得小雨  
憑閣意欣然  
一掃群兒迹  
稍稀遊女船  
煙波蘸山腳  
溼翠到闌邊  
坐誦空濛句  
予懷玉局仙

還家

富貴元須早致身  
白頭豈復市朝人  
數聲鶉鷄呼殘夢  
一架酴醾送晚春  
疊嶂出雲明客眼  
澄江漲雨濯京塵



逢人枉道哦詩瘦下語今年尚未親

又

天津橋上醉騎驢一錦囊詩一束書作客況當多病後  
還家已過算春初泥深村巷人誰顧草滿園畦手自鉏  
不為衰遲思屏迹此心元向利名疎

初歸偶到近村戲書

雨過一村暗風回百艸香刺船過古埭倚杖立新塘醉  
覺乾坤大閒知日月長算歸詩滿卷雖老尚能狂

題跨湖橋下酒家

湖水綠於染野花紅欲燃  
春當三月半狂勝十年前  
小店開新酒平橋上  
画船翩翩幸強健不必愧華顛

春遊至樊江戲示坐客

江頭蕭蕭春色算柳陰遊魚飽飛絮  
芙蓉箭筈美如玉  
點豉絲莼滑縈筋銀鞍烏帽尋春客  
朱戶青旗沽酒處  
浮生細看纔幾時  
一笑自應忘百慮  
綠盃到手不肯盡  
寶帶照地身何與  
醪醑爛漫我欲狂  
茗芋還家君勿遽

暮春

顯穎都門白髮新歸來一振客衣塵啼鴛如夢頻催曉  
飛絮鍾情獨殿春湖上風光猶淡沱尊前懷抱頗清真  
詩成絕恨知心少自寫吳牋寄故人

天華寺前遇縣令過避之入寺僧皆晝睡

墮絮飛花掠釣船天華寺下賞春妍縣多官府鳴騶過  
僧少叢林避客眠出網長魚猶鱗鱗爭泥新燕欲翩翩  
典衣剝買旗亭醉已過旗亭六十年

偶得海錯侑酒戲作

判無神藥斲清冥放筋那憎海物腥滿貯醇醪漬黃甲  
密封小瓮餉紅丁從來一飽忘南北此去千鍾任醉醒  
添雪更知憑茗椀山童敲臼隔窗聽

雨晴遊香山

雨打酴醾夜未拆一晴柳岸先飄雪我搖畫楫鏡湖中  
碧水青天兩竒絕長歌縹緲雲不動橫笛清悲竹將裂  
悠然起舞影零亂卓爾四顧心激烈好山可隱輕捨去

故人已貴長垂隔肺渴生塵防酒興眼暈成花作書厄  
平生所期無一遂獨有曠快相除折夜歸燈火鬧湖邊  
淡淡西南一鉤月

春遊絕句

一百五日春郊行三十六溪春水生千秋觀裏逢急雨

射的峰前看晚晴

自秦望山而北合三十六溪水為若耶溪

夜行玉笥樵風之間宿龍瑞

野店谿橋供晚餉吟邊醉裡弄春風馬行缺月黃昏後

鍾下亂山空翠中名宦不辭成寂寂歲時惟恨去匆匆  
頗聞禹穴遺書在安得高人與細窮

聞傅氏莊紫笑花開急棹小舟觀之

日長無奈清愁處醉裡來尋紫笑香漫道閒人無一事  
逢春也似蜜蜂忙

遊法雲寺觀彝老新葺小園

古寺朱扉傍水開高僧笑語共徘徊陰陰曲徑人稀到  
一一名花手自栽竹莧引泉滋藥壠風爐篝火試茶盃

此行自喜非生客二百年間六世來

五世祖大保公  
捨園地建寺

臧壑十韻

九月十月屋瓦霜家人共畏畦蔬黃小兒大甕盛滌濯  
青松綠韭謹蓄藏天氣初寒手訣妙吳鹽正白山泉香  
挾書旁觀穉子喜洗刀竭作厨人忙園丁無事卧曝日  
棄葉狼籍堆空廊泥為緘封糠作火守護不敢非時嘗  
人生各自有貴賤百花開時促高宴劉伶病醒相如渴  
長魚大肉何由薦凍壑此際價千金不數狐泉槐葉麩

摩挲便腹一欣然作歌聊續冰壺傳

長門怨

未央宮中花月夕歌舞稱觴天咫尺從來所恃獨君王  
一日讒興誰為直咫尺之天今萬里空在長安一城裏  
春風時送蕭韶聲獨掩羅巾淚如洗淚如洗今天不知  
此生再見應無期不如南粵匈奴使航海梯山有到時

遣興

莫羨朝回帶萬釘吾曹要可草堂靈風來弱柳搖官綠



雲破竒峰湧帝青  
聽盡啼鶯春欲去  
驚回夢蝶醉初醒  
從教俗眼憎疎  
放行矣桐江酌客星

晨坐道室有感

一鉢青精便有餘  
世間萬事總成疎  
手揮絃上烏棲曲  
口誦巖間鳥跡書  
丹氣初升勤沐浴  
芝房未熟飽耘鋤  
碧霄騰舉人人事  
莫戀污渠與臭帑

晝臥

忽忽見春盡  
徂年那更還  
香生暖裏霧  
書積枕邊山  
凌

厲心猶壯沈緜氣已孱千秋有管葛看鏡汗吾顏

雨晴

久雨作我病今朝身頓輕花房避初旭簾影弄新晴  
酒綸巾折聽琴拄杖橫條然又終日未覺負平生

宿石帆山下

卷地東風吹釣船石帆重到又經年放翁夜半酒初解  
落月啣山聞杜鵑

又

繫船禹廟醉如泥  
投宿漁家月向低  
溼翠撲人濃可掬  
始知身在石帆西

小雨泛鏡湖

吾州清絕冠三吳  
天寫雲山萬幅圖  
龍化廟梁飛白雨  
鶴收仙箭下青蕪  
菱歌嫋嫋遙相畲  
煙樹昏昏淡欲無  
端辦一船多貯酒  
敢辭送老向南湖

鏡湖一名南湖

小憩村舍

藤梢維艇子  
煙際覓人家  
小婦簾新麥  
羣童摘晚茶  
溪

雲易成雨崖樹少開花聊寄平生快青鞵到若耶

平水

水悍溪橋敗沙頽野徑移年華入詩卷心事付筇枝雨  
霽鶉鳩喜春歸鷓鴣知客庖消底物麥飯薦莼絲

初夏山中

又報東皇促駕歸醉中闕賦送春詩佛餅是處見紅藥  
僧榻有時聞子規野客款門聊倒屣谿潭照影一軒眉  
年光佳處惟初夏兒女紛紛詎得知

雨後

礎潤還成雨，雲收旋作晴。  
巖花分日發，林筍逐番生。  
硯行常具軒窗晚，更明塵埃幸不到。  
那得廢詩情。

雲門溪上獨步

山路聯翩十日陰，晚晴剗喜得幽尋。  
殘紅猶有數枝在，漲綠真成一倍深。  
泉響珮環鳴閭窅，月明珠壁散疎林。  
歸來寂寞鐘初動，羞向孤燈說壯心。

雲門過何山

漠漠稻滿陂濛濛雨露衣林花落更新碛鳥止復飛我  
作山中行十日未擬歸思酒過野店念茶叩僧扉眠枕  
松下石適意無訶譏心廣體自舒泰然不肉肥念昔在  
官塗萬事與願違逢人無一欣對食或累歎低回三十  
年竟不飽蕨薇空將書五車自誑腹十圍餘日猶幾何  
可復貪塵鞿賸拾柏子香閉門觀昨非

明覺院

細路蟠青壁層軒倚碧空天香下塵世僧梵起雲中藤

絡將頽石松號不斷風尤憐扶杖處直下數飛鴻

自雲門至上竈欲遊一二僧菴以雨不果

道遠晨炊米風和晝減衣花殘孔官廟苔滿葛仙磯  
欲尋僧話先判秉炬歸山昏又成雨心事固多違

自上竈過陶山

宿雨初收見夕陽縱橫流水入陂塘  
蚕家忌客門門閉  
茶戶供官處處忙  
綠樹村邊停醉帽  
紫藤架底倚胡床  
不因蕭散遺塵事  
那覺人間白日長

四月

四月江南暑尚微，虛堂初換葛衣時。  
嬾陪陌上雍容騎，且對窗間臍膊基。  
糝徑落花猶片片，拂雲新竹已離離。  
年來病肺疎盃酌，應接風光賴有詩。

初夏閒居即事

門巷蕭蕭日正長，方床曲几傲羲皇。  
輕風忽起楊花鬧，清露初晞藥艸香。  
對奕兩奩飛黑白，讎書千卷雜朱黃。  
穿簾語燕能從我，分爾湖邊一夏涼。



夜汲

酒渴起夜汲月白天正青  
銅瓶響寒泉聞之心自醒  
井邊雙梧桐映月影離離  
上有獨棲鵲細爪握高枝  
我欲畫團扇良工不可求  
三歎拊庭楯浩然風露秋

排悶

老去知心少流塵鎖斷絃  
尊空問字酒囊罄作碑錢掃  
葉供朝爨和泥補漏船  
胸中元浩浩白眼望青天

初夏夜賦

好景入新夏幽人卧弊廬廊腰得風遠樹罅見星疎門  
掩鴉棲後鐘鳴月上初青燈尚堪近起了讀殘書

新霽城南舟中夜興

身是江湖不繫船雨餘隨處一條然浮雲盡斂出青嶂  
孤月徐升行碧天收網漁歌移別浦隔城堦影落前川  
明朝閒就平洲飲巾履追涼又一年

泊舟

蘸岸煙波樣畫船幅巾蕭散餞流年兩行楊柳吹晴雪

只著啼鶯未著蟬

又

湖水無風鏡面平  
巉巉倒影萬峰青  
放翁眼界便疎豁  
過盡蘆村泊蓼汀

飲伯山家因留宿

小醉悠然不作醒  
斷雲飛盡却成晴  
月生檐外見簾影  
風下城頭聞角聲  
岸幘莎庭便髮冷  
酌泉桐井覺魂清  
雞號忽報明星上  
夢破虛皇白玉京

夜泛蜻蜓浦

四顧水無際三更月未生  
偶成搖櫂去不減御風行  
煙浦漁歌斷蘆洲鬼火明  
還家人已睡小立叩柴荆

晨起看山飲酒

愛山入骨髓嗜酒在膏肓  
跌宕風煙外歌呼麩蘖傷  
虛

窗天柱曉

書堂正見  
天柱峯

小瓮橐泉香

家釀今年試用  
岐下橐泉麴法

垂老

叨微祿無求有底忙

枕上偶賦

初夏暑猶薄紗幮怯夜深孤螢入窗罅斜月下牆陰靜  
養觀書眼窮悲濟世心吾衰亦久矣徂歲苦駸駸

自詠

射的山前一老樵此生何敢辱旌招繆緣學道肱三折  
不遇知音尾半焦去盡區區慙啄木附高燧燧鄙凌霄  
但令窮死心無媿也勝鳴珂事早朝

題丞壁

二十餘年此結茆園公谿父日論交風翻半浦亂荷背

雨放一林新笋梢，隔葉晚鶯啼谷口。  
唼花雛鴨聚塘坳，出門行罷還無事。  
借得丹經手自抄。

又

四顧茫茫水接天，幽居真箇似棄船。  
月窗竹影連棲鵲，露井桐聲帶斷蟬。  
甘寢每憎茶作祟，清狂直以酒為仙。  
形骸邴得常羈束，六十年来又二年。

又

舴艋為家一老翁，佯狂羞與俗人同。  
夢回菱曲漁歌裡

身寄蘋洲蓼浦中  
斷簡塵埃存治道  
高丘草棘閉英雄  
旗亭村酒何勞醉  
聊豁平生芥蒂胸


又

稽山千載翠依然  
著我山前一釣船  
瓜蔓水平芳草岸  
魚鱗雲襯夕陽天  
出從父老觀秧馬  
歸伴兒童放紙鳶  
君看此翁閒適處  
不應便謂世無仙

劔南詩彙卷十七



謹案第十四頁前六行水搖燈影酒家樓刊本搖  
訛遙今改





總校官庶吉士臣張能照

校對官庶吉士臣羅修源

謄錄監生臣秦長馨

欽定四庫全書薈要

集部

劔南詩藁卷十八




詳校官助教臣謝登雋

欽定四庫全書蒼要卷一萬五千五百八

集部

劔南詩彙卷十八

宋 陸游 撰

  
丙午五月大雨五日不止鏡湖渺然想見湖未廢時  
有感而賦

朝雨算雨梅正黃城南積潦入車箱鏡湖無復鉞青秧直  
浸山脚白茫茫湖三百里漢訖唐千載未嘗廢陂防屹如  
長城限胡羌嗇夫有秩走且僵早有灌注水何傷越民歲

歲常豐穰洪湖誰始謀不臧使我婦子饜糟糠陵遷谷變亦  
何常會有妙手開湖光蒲魚自足被四方煙艇滿目菱歌長

遊鄆

晚雨初收旋作晴買舟訪舊海邊城高帆斜挂夕陽色急  
舫不聞人語聲掠水翻翻沙鷺過供厨片片雪鱗明山川  
不與人俱老更幾東來了此生

泊上虞縣

鄆江久不到樂興偶東遊漲水崩沙岸歸雲抱縣樓吟餘

聲混混梳罷髮颯颯喜見時平象新絲入市稠

發大亭

一作長亭

姚江乘潮潮始生長亭却趁落潮行參差隣舫一時發  
卧聽滿江柔艣聲

又

玄雲垂天暗如漆艣聲嘔軋知舩行南風忽起卷雲去  
江月已作金盆傾

明州

豐年滿路笑歌聲  
蚕麥俱收谷價平  
村步有舩銜尾泊

江橋無柱架空橫  
海東估客初登岸  
雲北山僧遠入城

仗錫平老出  
山來迎予  
風物可人吾欲住  
擔頭蕪菜正堪烹

### 水亭獨酌十二韻

清風埽鬱蒸  
爽氣生戶牖  
客中淡無事  
翛然一盃酒  
書

生拙自料事業期  
不朽少年忝朝跡  
蹭蹬今白首  
歷觀

千載事和戎  
固嘗有定襄  
伍原間乃可  
畫地守神州  
在

何許東巡已去久  
煌煌一統業  
謨訓其可負

太祖嘗書  
大宋一統



字以賜  
王濤

荆楚多劍客宣潤富弩手孰能用其長坐使老

農畝講武幸長楊勞軍臨細柳中興望聖時未死得見

否

坐客有談狄魚眼眶之美者感嘆而作

黃雀頭顱羞五鼎狄魚眼眶豨雋永兩螯何臯蟹喪軀  
一鬻可憐牛斷領霜刀斫膾幾許痛公子方誇醉魂醒  
物生怖死與我均礎几流丹只俄頃哀哉堂堂七尺身  
正坐舌端成業境豪華只可誇僕妾報應那知類形影

世間擾擾何時了一念超然差若穎不妨瓦鉢飽晚菘  
更汲山泉試春茗

衰病不復能劇飲而多不見察戲作此詩

平生不持面看人寧作五湖雲水身恐窮閉門豈自苦  
是中有味敵八珍酒盃湫澼鼓吹作我自悲吒人自樂  
更闌坐睡不得去如鷹在韝虎遭縛丈夫歡樂自有時  
遇酒先怯非予衰萬騎擊賊青海岸此時意氣令君看  
或以予辭酒為過復作長句

陸生酒戶如蠡迤痛酒豈能堪太白正緣一快敗萬事  
往往吐茵仍墮幘爾來人情甚不美似欲殺我以麩藥  
滿傾不許計性命傍睨更復騰頰舌醉時狂呼不復覺  
醒後追思空自責即今願與交舊約三爵甫過當亟徹  
解衣摩腹午窗明茶磴無聲看霏雪

行路難

平生結交無十人與君契合懷抱真春遊有時馬忘秣  
夜話不覺雞報晨極知貧賤別離苦明日有懷就誰語

人無根抵似浮萍未死相逢在何許道邊日斜泣相持  
旗亭取醉不須辭君貴堂厨萬錢食我勸一盃應不得  
千峯榭宴坐

蒼寒千疊擁官居吏退憑高樂有餘盡日煙雲窮變化  
入秋草木漸凋疎朱絃靜按新傳譜黃卷閒披累譯書  
聊與邦人共無事吾僚不用笑迂疎

喜雨

勢掠郊原飛急雨聲搖窗戶過奔雷坐知多稼連雲熟

不獨新涼倚枕來

又

浙瀝簷聲枕上聞  
攬衣起坐對爐薰  
萬家歌舞豐年樂  
未費烏龍一綫雲

五鼓

樓堞鼕鼕鼓簾櫳煜煜燈  
浪名隨牒吏實似打包僧  
衰病元難強踈慵  
每自憎誰知戍邊日  
秋野正呼鷹

官居戲詠

萬里飄然似斷蓬  
桐廬江上又秋風  
判餘牘尾棲鴉濕  
衙退庭中立雁空  
燈火市樓知酒賤  
歌呼村路覺年豐  
誰言病守無歡意  
也與他人一笑同

又

說著功名即自羞  
莫年世味轉悠悠  
一庭落葉楸梧老  
萬里悲風鼓角秋  
懷綬不為明日計  
登樓且散異鄉愁  
漁舟大似非凡子  
為揀溪山勝處留

是日書  
所見

又

城頭閒倚一枝藤，病起清羸不自勝。  
衙鼓有期催晚坐，條鈴無賴喚晨興。  
愛書習氣嗟猶在，寡過工夫愧未能。  
寂寞已無臺省夢，諸公袞袞自飛騰。

倦眼

看書澀似上羊腸，得睡甘如飲蜜房。  
起坐藤床搔短髮，數聲畫角報斜陽。

拜旦表

一封馳奏效嵩呼，清蹕何時返故都。  
只道建炎巡狩禮

誰知故事自祥符

早自烏龍廟歸

殘漏聲中聽曳鈴翩翩吹帽出郊坳  
雨餘澗落雙虹白雲合山餘一髮青  
鐵馬蹴冰悲昨夢朱顏辭鏡感頽齡  
歸來獨對空壘冷鳥迹蒼苔自滿庭

上丁

燎火明中庭老槐泣殘雨白頭奉祀事  
恐懼劇仰俯三終樂在懸再拜肉升俎  
誰言千載後恍若到鄒魯吾國



雖褊小大社胙茆土如何儼章綬日夜臨筮楚藏書如  
丘山及物無一羽吾其可憐哉去去老農圃

新秋

打窗落葉報秋期病叟頽然兩鬢絲縱酒已無年少夢  
讀書仍負夜涼時問囚損氣嗟誰念學道剗心恐已遲  
買鶴清溪歸計足寄聲先遣故人知

殘年

殘年迫鐘漏病骨怯風霜投幘早當去強顏徒自傷文

符紛似雨訟訴進如牆笑殺滄浪客微官有許忙

休日行郡圃

南山如黛照朱扉地接官居到亦稀寒蝶徘徊掠衰草  
孤花閒淡弄斜暉荒城歌舞難娛客休日文書且解圍  
猶勝去年窮巷底卧聞砧杵念秋衣

登北榭

逸城山作翠濤傾底事文書日有程無溷我為揮吏散  
獨登樓去看雲生香浮鼻觀煎茶熟喜動眉間煉句成

莫笑衰翁淡生活，它年猶得配玄英。

方干有千峯榭詩

### 小酌

簾外桐疎見露蟬，一壺聊醉嫩寒天。  
團臍磊落吳江蟹，

縮項輪囷漢水鱖。

此兩物近頗登盤

投老宦遊真漫爾，平生懷

抱固超然。文書縛急，何由耐會向長安市上眠。

焚香作墨，潘決訟吏皆退，立一丈外戲作此詩。

客鬢新添幾縷絲，山城且付一官癡。  
空濛碧靄籠香岫，

近得一石穴，達

於背，出香如雲。

靄靄對玄雲，起墨池判牒不妨閒。  
作草坐

衙聊得細哦詩吏民莫怪秋來健漸近南山射虎時

三中間詠

風號萬物作濤聲雲截千峯似几平多病支離仍老境  
莫秋蕭瑟更山城燕觴久罷塵痕積庭訟全稀藓暈生  
莫道三中日無事焚香掃地又詩成

秋夜聞雨

香斷燈昏小幌深不堪病裏值秋霖驚回萬里關河夢  
滴碎孤臣犬馬心清似釣船聞急湫悲於靜院聽繁砧

玉峯老去情懷惡，穩受千莖雪鬢侵。

韓致光詩云：不知短髮能多少，一滴

秋霖白

一莖

自詠

鈍似窗間十月蠅，淡如世外一孤僧。  
心勞撫字雖亡補，筆判虛空却麤能。  
厭見文書衙客袖，但思蔬水曲吾肱。  
何時却宿雲門寺，靜聽霜鐘對佛燈。

秋懷

少時本願守墳墓，讀書射獵畢此生。  
斷蓬遇風不自覺

偶入戎幙從西征朝看十萬閱武罷莫馳三百巡邊行  
馬蹄度隴電聲急士甲照日波光明興懷徒寄廣武歎  
薄福不挂雲臺名頰鬚白盡愈落莫始讀法律親答榜  
訟氓滿庭鬧如市吏牘圍坐高于城未嫌樵唱作野哭  
最怕甜酒傾稀餳平生養氣頗自許雖老尚可吞司并  
何時擁馬橫戈去聊為君王護北平

不寐

閏年九月已重裘說著功名即自羞病骨不禁霜氣峭

高風正送雁聲道半盃濁酒如欺老一點青燈欲訴愁  
不寐裁詩真習氣輸它睡足向黃州

醉中戲作

當年買酒醉新豐豪士相期意氣中  
插羽軍書立談辦如山鐵騎一揮空  
玉闕久付清宵夢笠澤今成白髮翁  
堪笑燈前如意舞尚將老健壓諸公

頻夜夢至南鄭小益之間慨然感懷

身似菴居老病僧罷叅不復繫行縻  
夢中忽在三泉驛

庭樹鳴泉鬼弄燈

又

客枕夢遊何處所  
梁州西北上危臺  
雪雲不隔平安火  
一點遙從駱谷來

夜雨枕上

秋雨不肯晴  
秋夜不肯明  
寸心集百憂  
厭此點滴聲  
歲月不貸人  
老病忽至此  
丈夫本憂世  
兒女乃畏死

雨夜



蒼雲晝埋山白雨夜溢渠虛堂閃風燈獨處誰與娛吾  
生過六十鬢髮日夜疎出當飲美酒歸當讀奇書可憐  
兩不遂兀兀如枯株明復對胥吏孤憤何由攄

安流亭俟客不至獨坐成詠

憶昔西征鬢未霜拾遺陳迹弔微茫蜀江春水千帆落  
禹廟空山百草香馬影斜陽經劍閣櫓聲清曉下瞿唐  
酒徒雲散無消息水榭憑欄淚數行

秋興

楸槐雨霎霎鳧雁水拍拍曉行城南路落葉滿阡陌新  
霜上衰鬢吾死亦已迫那將有限身常作未歸客長吟  
側紗帽萬里一秋色世俗不足論天豈無皂白

又

朝先鳴雞興夕殿棲鴉還符檄積几案寢飯於其間榜  
笞督租賦涉筆駢我顏忽忽過白日胡能慰惻鰥葉脫  
橫林疎髮鬢溪南山豈無一盃酒吾事何時間

燕堂獨坐意象殊憤憤起登子城作此詩

睡魔困衰翁白日坐兀兀忽然振衣起目瞭尚如鶻憑  
高望中原佳氣未消歇春秋重復仇痛憤深至骨新霜  
下昌陵草有邊馬齟羽林百萬士何日聞北伐賤臣官  
有守不敢叫行闕夢中涉黃河太行高碑斫天河未洗  
兵箭鏃滿中國坐令河洛間百郡暗荆棘夷吾非王佐  
外攘輔桓公中原消息斷吾輩何夢夢世俗苦齷齪誰  
與共此功安知無奇士悲歌燕市中

秋雨北榭作

秋風吹雨到江濱  
小閣疎簾曉色分  
津吏報增三尺水  
山僧歸入萬重雲  
飄零露井無桐葉  
斷續煙汀有雁羣  
了却文書早尋睡  
檐聲偏愛枕間聞

次韻王給事見寄

大手方司一世文  
癯儒何敢望餘塵  
誰知天上黃扉貴  
肯記江邊白髮新  
末路愈窮詩有崇  
舊書渾忘筆無神  
床頭周易尊中酒  
猶賴渠儂不負人

病中夜半

蕭蕭欲脫猶吟葉耿耿微明未滅燈夜半不眠閑倚壁  
使君清似北山僧

即事

組繡紛紛銜女工詩家於此欲途窮語君白日飛昇法  
正在焚香聽雨中

歲晚懷故人

衰髯白盡無添處病骨癯然欲折時客抱琴來聊淪茗  
吏封印去又哦詩山橫城上勢如壓角動樓頭聲正悲

零落斷鴻書不到歲殘何以慰相思

焉耆行

焉耆山頭莫煙紫牛羊聲斷行人止平沙風急捲寒蓬  
天似穹廬月如水谷蠡太息左賢悲投鞍欲眠且復起  
漢家詔用李輕車萬丈戰雲來壓壘

又

焉耆山下春雪晴莽莽惟有蒺藜生射麋食肉飲其血  
五古自古惟聞名樵蘇切莫近亭障將軍臥護真長城

十年牛馬向南睡知是中原今太平

丙午初冬得心腹痛疾太下而愈言羸耗不支方在  
告臥燕堂東偏聞民間前一夕被盜者慨然有感  
惓惓四壁空宛宛一室與雨聲靜更聞雨氣深不到下  
簾設紙屏篝火支藥灶勿言此幽陋足以養衰眊頗聞  
閭里間此夕多狗盜游徼無乃闕鰥寡將孰告家貧未  
決去祿食當念報臥疴疇敢安起立擲吾帽

因王給事回使奉寄

雨昏郡郭連三日吏報江流忽數回

江每漲津吏輒報日或三四至

正

歎舫如天上坐那知人自日邊來臂弓腰箭身今老航  
海梯山運已開南北不應常自守期公決策畫雲臺

病告中遇風雪作長歌排悶

風雪橫街不能出閉戶垂帷養衰疾黃昏臥聽打窗聲  
聊挽清寒入詩律公孫布被久有味子敬青氊煖無匹  
石鼎間烹似爪茶霜皺旋破如拳栗蹲鴟足火微點鹽  
甕粟熬湯旋添蜜龍蛇觶觶寒筍束子母累累丹柿實



玉狸試說涎已墮石蚿纔嘗酒如失天公付汝亦已厚  
飽食長謔抱雙膝丈夫豈為口腹計壯志常恐無時畢  
滅讐疏奏端許前腰領敢辭膏斧鑕

冬夜戲作

賤貧百年愁老大萬事倦起家來牧民竊語笑丞掾拘  
孿拙徵科儉陋省遊宴不思返江湖乃爾辱畿甸斯言  
中吾病有醜在其面行當自劾去暫寓等郵傳十月夜  
正長歲事到冰霰膏油幸可具更盡書一卷

夜坐

曲几蒲團夜過分  
頽然半脫鹿皮巾  
驚鴻避弋鳴煙渚  
斷角凌風上雪雲  
仕宦愈知林下貴  
窮愁方策酒中勛  
扁舟東去何時辦  
昔向金丹幸有聞

又

山城意象自蕭然  
況是高坐作雪天  
漸暗玉蟲寒有燼  
欲殘金鴨煖無煙  
衰容病後加添歲  
暹夜冬來抵過年  
安得龍綃三丈幅  
為君試寫白雲篇

遣興

圖書雞犬共扁舟又續人間汗漫遊  
醉眼本輕千古事釣竿新賜一灘秋  
慣看浮世成陵谷莫露神光上斗牛  
老病豈堪常作客夢尋歸路傍西疇

登紫翠樓

水落溪聲壯天寒山色奇  
殘雲宿虛閣馴鷺下清池  
簿領消豪氣功名負聖時  
憑高不勝嘆神武迫歸期

丙午十月十三夜夢過一大家傍人為余言此荆

軻墓也按地志荆軻墓蓋在關中感歎賦詩

采藥遊名山物外富真賞  
秋關策蹇驢雪峽蕩孤槩  
還鄉忽十載高興寄遐想  
夢行河潼間初日照仙掌  
坡陀荆棘冢狐兔伏藜莽  
悲歌易水寒千古見精爽  
國讎久不復驚覺泚吾顙  
何時真過茲薄酌神所饗

病起小飲

病起新霜滿鬢蓬憑高一笑與誰同  
酒如淥靜春江水  
人有鴻荒太古風  
野寺鐘來夕陽外  
寒山空插亂雲中

一官正爾妨人樂只合滄浪狎釣翁

冬夜讀書

莫笑燈檠二尺餘老來舊學要耘鋤  
寒生點滴三更雨喜動縱橫萬卷書  
本著儒冠那免此可因吏牘頓拋渠  
善和舊賜今猶在剝采芸香辟蠹魚

夜坐觀小兒作擬毛詩欣然有賦

北風城頭鼓統統徂歲崢嶸正多感  
老夫假寐角巾低  
穉子高吟兩鬢鬢衰遲笑我藏袖手  
狂率憐渠滿軀膽

旋炊粉餠裹青箬新爍錫枝綴紅糝未言問事漸瀾翻  
且賞揮毫能果敢嗟予疇昔如汝年萬卷縱橫恣窺覽  
即今見汝尚懽欣此癖真同嗜昌歎夜闌我困兒亦歸  
獨與狸奴分坐毯

郡丞偶書

白首奉魚書蕭然一事無吏間晨已散人醉莫相扶卷  
野收禾黍連江下舳艫山城君勿誚東北是皇都

又

翠嶺當城起清江壁硤流軻峨商客舩嘈噴酒家樓豐  
歲人元樂殘年我獨愁秦吳環萬里感慨故貂裘

又

江墮清笳月霜嚴畫戟門灘聲寒更壯山氣且常昏  
搖落悲徂歲羈遊憶故園無勞空竊食何以報君恩

燈下閱吏牘有感

老眼今年太負渠義經魯史頓成疎一為柱後惠文吏  
厭讀司空城旦書正苦雁行須束縛不言鼠輩合誅鉏

致君堯舜元無術黃卷何辭飽蠹魚

過放生池追懷江公民表諫議池蓋公所創也

釣臺先生諫大夫建中初元起江湖是是非非玉座側  
身可死徙志不渝煙汀月島二十載白髮短舫藏菰蒲

晚蒙湔洗得一障上奏猶自稱麓踈

公廣濟到任表云不能軟熟終是麓

踈其不  
撓如此

此公造處直奇特竺乾先生分半席九州看如

掌中果天不遣為吁可惜徑歸斂手築陂池也活龜魚  
論萬億骨冷桐山喚不聞停車悵望春波碧



園中絕句

梅花重壓帽簷偏，曳杖行歌意欲仙。  
後五百年君記取，斷無人似放翁顛。

又

溪北溪南飛白鷗，夕陽明處見漁舟。  
憑誰為剪機中素，畫取天涯一片秋。

戲作

浙西諸郡惟  
嚴無職租

歸臥元知作餓夫，官遊依舊是癯儒。  
免教妻子爭杭秫

秋稼連雲一稜無

縱筆

閒經月下白蘋洲  
半脫風前紫綺裘  
曾值東風謁鸞駕  
却因南渡看龍舟  
年光已付瞢騰醉  
天宇誰從汗漫遊

莫怪又成橫笛去  
故人期我玉華樓

玉華樓在青城山丈人觀

又

東都宮闕鬱嵯峨  
忍聽穹廬敕勒歌  
雲隔江淮翔翠鳳  
露霑荆棘沒銅駝  
丹心自笑依然在  
白髮將如老去何

安得鐵衣三萬騎為君王取舊山河

又

行省當年駐隴頭腐儒隨牒亦西遊  
千艘衝雪魚關曉萬竈連雲駱谷秋  
天道難知兇更熾神州未復士堪羞  
會須瀝血書封事請報天家九世讎

病中偶得名酒小醉作此篇是夕極寒

一壺花露拆黃滕醉夢酣酣喚不應  
屏煖半銷香鴨火窗寒初結研蟾冰  
詩囊羞澀悲才盡藥裹縱橫覺病增

早掛朝衣歸去是貴人誰記接茵憑

晨讀道書

家貧悔嗜酒年邁思學道雖云善補過見事恨不早  
儒生守章句忽忽遂將老巖間得奇書足以慰華皓丹液  
下注臍黃雲上通腦海山行當歸白髮何足埽

後園獨步有懷張季長正字

斯世元知少賞音道存何恨死山林半生去國風埃面  
一片憂時鐵石心閒看斷雲成小立偶穿修竹得幽尋

故人已到梁州未尺紙東來抵萬金

老將效唐人體

寶劔夜長鳴金瘡老未平指弓誇野戰抵掌說番情已  
矣黑山戍悵然青史名和親不用武教子作儒生

書憤

清汗透逸貫舊京宮牆春草幾番生剖心莫寫孤臣憤  
抉眼終看此賊平天地固將容小醜凶姦自慣瀆齊盟  
蓬窗老抱橫行略未敢隨人說弭兵

晨起

衣潤薰籠煖燈殘漏箭長  
鳴雞帶窗月立馬怯庭霜  
病骨陰晴覺官身早夜忙  
火城那復夢愁絕麝香

雪

但苦奇寒惱病翁  
豈知上瑞報年豐  
一庭不埽待新月  
萬壑盡平號斷鴻  
繭紙欲書先研凍  
羽觴纔舉已尊空  
若耶溪上梅千樹  
欠我今年繫短篷

歲晚書懷

早見龍翔上太清

紹興末游  
官玉牒所

即今孤宦老山城靈丹不

解換凡骨薄命枉教生太平積雪樓臺增壯觀近春鳥  
雀有和聲如山吏牘何時了惆悵西窗晚照明

### 晨過天慶

蘿月挂團壁松風號急灘孤燈經院晚殘雪醜壇寒  
欲間扶杖何妨醉墮冠詩成興不盡萬里跨青鸞

### 冬夜

翩翩殘歷不滿紙坎坎疊鼓無停撾香殘未消古鼎火

燈暗尚結寒缸花長安故人日已遠錦江小築天之涯  
拘攣動覺吏有責幽獨更似僧無家臥聞沙雁叫空濶  
想見雪谷森谿砑起提一筆埽疋紙入卷颯颯弄龍蛇  
比得朋舊書多索近詩戲作長句

庭下訟訴如堵牆案上文書海茫茫酒酸菡冷不得嘗  
推牀大叫欲發狂故人書來索文章豈知吏責終歲忙  
寒龜但欲事縮藏病驥敢望重騰驤日曛稍退鳧鷖行  
小山叢竹堂東廂呼兒深炷銅爐香楚騷為我被不祥



休日感興

宦海風波實飽經，久將人世寄郵亭。  
家無釵澤窮馮衍，身著襦裙老管寧。  
藥圃按行新蔓綠，書樓徙倚暮山青。  
偶然得句悲誰屬，零落交朋化曉星。

病中偶書

燈火青熒古屋深，挂冠境界已駸駸。  
竹枝影瘦橫殘月，藥杵聲寒續暮砧。  
病覺死生真大事，老知道德愧初心。  
經龕禪版殊當勉，懶學莎蛩事苦吟。

寒夜

脫葉爭辭木寒雲巧護霜  
羈遊少驩樂短景極匆忙  
吟  
苦蟲催織鳴哀雁斷行  
幽懷誰晤語惆悵此燈光

雪中獨酌

金尊玉瀝有何好不堪生世忽忽老  
朱顏忽已謝晨鏡  
白骨行看閉秋草駭浪嵯峨風作之  
蛟龍血人以為嬉  
畏塗寄命三十載賴有痛飲紓吾悲  
莫驚醉眼炯如電  
假鉞猶堪行督戰拍麾突騎取遼陽  
雪灑轅門夜傳箭

送客

長亭柳漸柔送客當閒遊  
江近聞津鼓雲開見戍樓  
簿書來袞袞歲月去悠悠  
閑眼尋歸路春蕪滿故疇

新晴

宿雨解殘雪新春侵故年  
和風拆冰罅淡日弄窗妍  
心事綠尊裏歲華烏帽邊  
今朝我病減隨處一欣然

出城

翩翩烏帽出林垆掠面風微  
酒半醒戍火難尋玉關夢

衣塵空愧草堂靈  
天晴山雪明  
城郭水漲江流近  
驛亭  
客鬢不如堤上柳  
數枝春動又青青

立春日送客郊外

短鬢那禁歲月催  
勝邊花底又春回  
雪消漸煖青鴛日  
水解初橫玉鑑梅  
江驛軒窗臨古道  
市樓絃管賣新醅  
自憐病守無歡意  
一笑常因送客來

大雪自夜至旦欲午始晴

薄莫雪雲低  
清宵氣慘悽  
方聽打窗急  
已報與階齊  
疎

箔穿飛蝶空庭聚戲祝新晴思訪客愁絕滿城泥

雪夜有感

狂膽輪困欲滿軀一麾誰憫滯江湖青衫曾奏三千牘  
白首猶思丈二爰龍虎翔空瞻玉氣羶裘度漠避天誅  
何時冒雪趨行殿香案前頭進陣圖

雪中忽起從戎之興戲作

狐裘臥載錦駝車酒醒冰髭結亂珠三尺馬鞭裝白玉  
雪中畫字草軍書

又

鐵馬渡河風破肉雲梯攻壘雪平壕獸奔鳥散何勞逐  
直斬名王擣寶刀

又

十萬貔貅出羽林橫空殺氣結層陰桑乾沙土初飛雪  
未到幽州一丈深

又

羣兇束手仗天亡棄甲縱橫滿戰場雪上急追奔馬迹

官軍夜半入遼陽

十二月二十七日祭風師歸道中作

虎豹生憎上九關，諸公衮衮遂難攀。  
面顏已老塵埃裏，精力虛捐簿領間。  
東帶敢言趨玉陛，橫戈猶憶戍天山。  
新春自笑摧顏甚，鼓吹東風拜胙還。

春晴

南陌爭牛事已非，綵山又近放燈期。  
風和已染柳千縷，山冷未開茶一旗。  
酒病況當人別後，春光偏在雪晴時。

道傍笑我清狂在馬上看山細詠詩

丁未正月春色已粲然露坐高風堂北觀種花

苦寒不解歲崢嶸病守兀坐憂疲氓天風誰遣撼斗柄  
便覺春色來江城北山賽廟見殘雪東津送客聞新鷺  
衣裘漸減體殊健簾幙乍捲眼為明今朝天氣更佳絕  
淡日微漏雲徐行我移胡床坐庭下幅巾半脫筇枝橫  
散關旌旗掃昨夢少城絲竹真前生數株桃杏亦漫種  
未去與汝聊逢迎



鷺堂春夜

南樓統統下疎更一點紗籠滿院明映月疎梅入簾影  
讀書穉子隔窗聲呻吟藥裏身寧久汎掃烽烟意未平  
草檄北征今二紀山城仍是老書生

游嘗為丞相陳魯公史魏公樞相張

魏公草中原及西夏書檄於都堂

早春池上作

疎嬾元當與世辭殘年况近乞身期一官空作讀書崇  
五斗不供沽酒資水拆野塘初灑灑雪殘芳草已離離

物華似有平生舊不待招呼盡入詩

感興

文章天所祕賦予均功名吾嘗考在昔頗見造物情離  
堆太史公青蓮老先生悲鳴伏捩驥蹭蹬失水鯨飽以  
五車讀勞以萬里行險巇外脩嘗憤鬱中不平山川與  
風俗雜錯而交并邦家志忠孝人鬼叅幽明感慨發奇  
節涵養出正聲故其所述作浩浩河流傾豈惟配詩書  
自足齊韻詮我衰敢議此長歌涕縱橫

東竺偶書

華髮蕭蕭不滿簪，強扶衰病著朝衫。  
寒廳靜似阿蘭若，佳客少于優鉢曇。  
詩酒放懷窮亦樂，文移肆罵老難堪。  
棄官若遂飄然計，不死揚州死劍南。

顧況詩云：人生只合揚州死，而余嘗

有歸蜀

之意

丁未上元月色達曉如晝，予竺居屬貳車領客。

此夕幾年無此晴，碧天萬里月徐行。  
官壚賣酒傾千斛，市里行歌徹五更。  
潼酪獨烹僧鉢美，瑠璃閒照佛龕明。

頽然坐睡君無笑寶馬香車事隔生

自郊外歸北望譙樓

天上何年墮翠蚪屈蟠爪尾護吾州重門兩細旌旗濕  
危堞風高鼓角道漠漠川雲昏佛塢涓涓野水入農疇  
曠懷不耐微官縛擬脫朝衫換釣舟

馬上作

平橋小陌雨初收淡日穿雲翠靄浮楊柳不遮春色斷  
一枝紅杏出牆頭

還舍

賸欲銜盃樂太平  
新愁還續舊愁生  
出門始覺春來早  
處處簾櫳笑語聲

杏花

江城開歲風雨頻  
閉閣不出俄經旬  
忽逢國艷帶卯酒  
坐覺天地無餘春  
芳敷正當晨露重  
盛麗欲擅年華新  
數株歌斜傍山驛  
一簇深淺臨烟津  
徘徊跋馬不忍去  
只恐飄墮隨車塵  
念當載酒醉花下  
破曉啼鶯先喚人

兩京

兩京煙柳厭沙塵又見淳熙十四春  
薄命遭回猶許國孤忠懇款欲忘身  
蘇君落魄黃金盡褚令悲傷白髮新  
曾向延和隨仗入至今殿檻夢嶙峋

贈表弟江叅議

襄州叅議真豪傑熟視華途嬾著鞭  
奪得鸞篋花裏活皎如玉樹酒中仙  
才高狗監無人薦句好雞林有客傳

江弟今居四明

老去眼邊親舊少津亭小為繫歸船

讀書

束髮論交一世豪，莫年顛頽困蓬蒿。  
文辭博士書驢券，職事參軍判馬曹。  
病裏猶須看周易，醉中亦復讀離騷。  
若為可奈功名念，試覓并州快剪刀。

夜登千峯榭

夷甫諸人骨作塵，至今黃屋尚東巡。  
度兵大岷非無策，收泣新亭要有人。  
薄釀不澆胷壘塊，壯圖空負膽輪囷。  
危樓插斗山，銜月徒倚長歌一愴神。

旬日公事頗簡喜而有賦

社近樓臺晝已長  
豐年頗減簿書忙  
雨催樹綠吹簫陌  
日射塵紅擊鞠場  
農事漸興初浸種  
吏衙早退獨焚香  
晚來別有歡然處  
檢教兒書又一箱

杜牧之寄小侄阿宜詩云一日讀十

紙一月  
讀一箱

聞鼓角感懷

鼓坎坎角鳴鳴  
四鼓欲盡五鼓初  
老眼不寐如鰓魚  
撫枕起坐涕泗濡  
平生空讀萬卷書  
白首不識承明廬  
時



多通材臣腐儒妄懷孤忠策則疎欲剖丹心奏公車論  
罪萬死尚有餘雷霆願復寬須臾許臣指陳輿地圖億  
萬遺民望來蘇藝祖有命行天誅皇明如日詎敢誣拜  
手乞賜丈二爻中原煙塵一掃除龍舟沂汴還東都

社日小飲

催花初過社公雨對酒喜烹溪友魚儘道亂山窮絕處  
年華未覺異吾廬

又

社雨霏霏濕杏花農家分喜到州家蒼鵝戲處塘初滿  
黃犢歸時日欲斜

昔日

昔日從戎日身由許國輕陣如新月偃箭作餓鴟鳴堅  
壁臨關守連營並渭畊至今悲義士書帛報番情

予在  
興元

日長安將吏以申狀至宣撫司皆蠟  
彈方四五寸絹彼中動息必具報

新晴

雨斷歸雲急沙乾步履輕風花嬌作態野水細無聲社

酒家家醉春蕪處處耕今朝公事少一笑賦新晴

倚欄

閒岸紗巾小倚欄吳中三月尚春寒蜂脾蜜滿花初過  
燕觜泥新雨未乾老厭簿書思屏迹病逢節物強追歡  
一樽又動流年感城上斜陽畫角殘

寄徑山印禪師

市朝聲利戰方酣眼看紛紜每不堪但有客誇車九九  
了無人問衆三三會當身返東西蜀要與公分上下菴

趙州有上菴菴

主語

春枕悠然夢何許兩枝筇杖喚魚潭

喚魚

潭在眉山中巖客

至撫掌魚輒羣出

園中歸戲作

醉裏來尋澗上花已飄殘雪散餘霞  
麴生也解欺人老  
風伯無端妬物華  
不恨童心伴蜂蝶  
但愁病眼厭風沙  
歸來隱几東窗下  
一卷黃庭送日斜

春曉東郊送客

雨餘氣清潤  
迨我送客時  
翻翻車蓋風  
五里城東陂  
初

旭歛花房晨露流  
桐枝南山卷濕翠  
更覺光景奇澄潭  
集魚艇村路亞酒  
旗欲歸且復留造  
物成吾詩

莫春嘆

春深桃李爭時節  
千團紅雲萬堆雪  
東風一夜吹欲空  
曲徑平池爛如纈  
城門獵獵雙青旗  
羲和促轡西南馳  
中原未有澄清日  
志士虛捐少壯時

曉雨

平明小雨壓香塵  
遠舍扶疎綠漸勻  
睡過花時慵著句

老來春事不關身

又

東風吹雨送殘春  
冉冉年光次第新  
君看枝頭如許綠  
爭教桃李不成塵

登千峯榭

飛觀危欄縹緲中  
聊將醉眼送歸鴻  
一生未售屠龍技  
萬里猶思汗馬功  
王衍諸人寧足責  
姜維豎子自應窮  
他年弔古憑高處  
想見清伊照碧嵩

晚春園中作

少逢春歸未解悲，千篇曾賦傷春詩。可堪霜點鬢鬚後，  
更值綠暗園林時。楊花輕墮簷外影，杏子重壓闌邊枝。  
毬場立馬漏聲靜，綺窗語燕簷陰移。向來春事渺何許，  
長空鳥跡何由追。鞦韆未拆已寥寞，日暮東風吹綵旗。

北窗

小雨霏霏旋作晴，北窗清潤綠陰成。却緣政拙文書少，  
臥聽簾櫳燕子聲。

浮生

浮生過六十百念已頽然獨有耽書癖猶同總角年橫  
陳糲飯側朗誦短檠前不用嘲癡絕兒曹尚可傳

小壘

小壘荒寒外高坐寂寞中貧妨挂冠快病減讀書功橋  
斷春江白雲穿夕照紅悠然扶杖處歲月嘆怱怱

大閱後一日作假

小院鈎簾埽落花公餘蕭散似山家下巖紫壁臨章草



正焙蒼龍試貢茶塞上遠遊心尚壯車中深閉髮先華  
老來日月真堪惜愁聽高城咽莫笳

自嘲

貪祿忘歸祇自羞一窗且復送悠悠鏡明不為人藏老  
酒薄難供客散愁正得虛名真畫餅元非大器愧玉牛  
年來事業君知否高束詩書學問囚

曉出東城

聽徹清笳聽曉鐘  
據鞍漏鼓尚鼕鼕  
西樓落日徑三尺

北嶺亂雲生半峰，蒼磴幽尋過古寺。  
綠疇小駐勞春農，煙村已遠猶回首。  
恐有鸚鵡與伏龍。

初夏遇休日園中間賦

青山圍女牆，細草滿毬場。  
虛簷搖水影，曲檻吹蘋香。  
房櫳寂無人，雙燕說曉涼。  
賜休無公事，蕭散寄一床。  
久苦吏役拘，更知閒味長。  
桑空繭綴簇，陂滿稻吐秧。  
良時動人懷，東望一慨慷。  
寧當戀微祿，如鼠死太倉。

小雨出西門五里至東嶽廟

埋沒文書每自憐，偷閒出郭一欣然。  
稻陂雨細豐年候，槐陌風清嫩暑天。  
心似春鴻寧久住，身如秋扇合長捐。  
平生士雅今亡恙，老病何由共著鞭。

初夏燕堂睡起

歌鳳平生類楚狂，山城遲莫得深藏。  
洗春雨過清陰合，掠水風生綠藻涼。  
晨几硯凹涵墨色，午窗盃面聚茶香。  
功名到手渾閒事，此興他年未易忘。

晡後領客僅見燭，而罷戲作短歌

忍睡出生衙扶病起觴客本來世味薄况復酒戶進  
諄時強語嵬昂已頽憤燒燭不盈寸歸臥弄書冊我來  
未獲稻客裏今食麥悵望稽山雲飛去無六翮

讀宛陵先生詩

歐尹追還六籍醇先生詩律擅雄渾導河積石源流正  
維嶽崧高氣象尊玉磬溇溇非俗好霜松鬱鬱有春溫  
向來不導無譏評敢保諸人未及門

書歎

人生如春蚕作繭自纏裹一朝眉羽成鑽破亦在我少年不自珍妄念然烈火眼亂舞腰輕心醉笑齒瑳餘齡幸早悟世味無一可但憶喚山僧煎茶陳餅果

劔南詩豪卷十八